



BULETIN

بوليتين
IPTG

INSTITUT PEMIKIRAN TOK GURU DATU' BENTARA SETIA
Bil.1/1442H/2021

Majlis
**AMANAT KHAS
TAHUN BAHARU
2021**

**DAN PERHIMPUNAN
PENJAWAT AWAM NEGERI KELANTAN**



05

3 Teras Dasar
MEMBANGUN BERSAMA ISLAM

07

SAYYIDUL ISTIGHFAR
(Penghulu Segala Istighfar)

14

SAHUR &
IFTAR

السلام عليكم ورحمة الله وبركاته

الحمد لله رب العالمين والصلاة والسلام على أشرف الأنبياء والمرسلين وعلى آله وصحبه أجمعين

Firman Allah SWT yang bermaksud:

“Bulan Ramadhan yang diturunkan padanya al-Quran sebagai hidayah (petunjuk) kepada manusia dan keterangan-keterangan tentang petunjuk dan pemisah antara yang hak dan yang batil.” (al-Baqarah: 185)

Alhamdulillah, segala puji bagi Allah SWT, Tuhan yang Maha Pengasih lagi Maha Penyayang. Selawat dan salam atas junjungan yang mulia, Nabi Muhammad SAW; seluruh ahli keluarga dan para sahabat Baginda.

Pertama sekali, saya mengambil kesempatan ini untuk mengucapkan syukur ke hadrat Allah SWT kerana dengan izin dan hidayahNya, dapat lagi kita bersua pada tahun 2021M dan tahniah diucapkan kepada warga IPTG khususnya sidang redaksi kerana dapat menerbitkan Buletin IPTG Bil.1/2021 dengan jayanya.

Saya berharap dengan penerbitan buletin pada kali ini dapat menjadi rujukan kepada masyarakat khususnya rakyat Kelantan selaras dengan dasar Merakyatkan, Membangun Bersama Islam dengan misi menuju Keberkatan, Kemakmuran dan Kebajikan. Bukan itu sahaja, buletin ini juga menjadi wadah dalam memaparkan aktiviti IPTG.

Di kesempatan ini, saya mengambil peluang untuk merakamkan penghargaan kepada seluruh warga kerja IPTG atas komitmen dan keazaman serta kerjasama dalam melaksanakan segala tugas yang ditaklifkan sepanjang tahun 2020.

Bersempena dengan bulan Ramadhan ini, marilah sama-sama kita panjatkan doa kepada Allah SWT agar amalan kita diterima dan menjadi orang yang bertakwa. Di samping itu, saya ingin mengambil kesempatan untuk mengucapkan Selamat Hari Raya Aidilfitri Maaf Zahir dan Batin kepada semua pembaca dan seluruh umat Islam khususnya rakyat negeri Kelantan.

Semoga Allah SWT memberkati dan menerima setiap amalan kita dan memasukkan kita dalam golongan orang yang berjaya.

Sekian, Wassalam.

**Raja Berdaulat, Rakyat Muafakat, Negeri Berkat
‘Merakyat Membangun Bersama Islam –
Keberkatan, Kemakmuran, Kebajikan’**

**YAB Ustaz Dato' Bentara Kanan
Dato' Haji Ahmad bin Yakob
Menteri Besar Negeri Kelantan**



السلام عليكم ورحمة الله وبركاته
الحمد لله رب العالمين والصلاة والسلام على أشرف الأنبياء والمرسلين وعلى آله وصحبه أجمعين

Firman Allah SWT:

“Wahai orang-orang yang beriman! Diwajibkan atas kamu berpuasa sebagaimana diwajibkan atas orang sebelum kamu agar kamu bertakwa.” (al-Baqarah: 183)

Alhamdulillah, saya memanjatkan kesyukuran ke hadrat Ilahi kerana dengan berkat limpah kurnia dan rahmatNya, maka Institut Pemikiran Tok Guru Dato' Bentara Setia (IPTG) telah berjaya menerbitkan buletin pertama edisi 2021, Buletin IPTG Bil.01/21.

Ucapan syabas dan setinggi penghargaan saya ucapkan kepada seluruh pasukan redaksi IPTG kerana bertungkus-lumus bagi menerbitkan buletin edisi kali ini. Sisipan buletin ini menyaksikan coretan aktiviti-aktiviti IPTG sepanjang bulan Januari hingga Mac 2020. Bukan itu sahaja, kami juga sisipkan perkongsian ilmu buat bacaan para pembaca khususnya masyarakat Kelantan.



Walaupun negara kita masih belum pulih sepenuhnya daripada pandemik Covid-19, IPTG telah berjaya melaksanakan program-program ilmiah seperti Pagi@IPTG 2.0 dan IPTG Podcast bertujuan untuk menyebarkan ilmu agama kepada orang ramai. Malahan, IPTG juga menjalankan program latihan bersama Majlis Daerah Bachok Bandar pelancongan Islam sejajar dengan hasrat kerajaan Membangun Bersama Islam dan Merakyatkannya.

Akhir kalam, saya ingin mengucapkan Ramadhan Kareem dan Selamat Hari Raya Aidilfitri kepada semua umat Islam. Marilah kita menyambut bulan Ramadhan yang mulia ini dengan penuh keinsafan dan iktibar serta meningkatkan amal soleh untuk mencapai takwa kepada Allah.



**YBhg. Dato' Dr. Johari Bin Mat
Pengarah**

Institut Pemikiran Tok Guru Dato' Bentara Setia

Tinta Pengarah

02

Dari Meja Pengarah

03

Sidang Redaksi

04

Rencana :
3 TERAS DASAR
Membangun Bersama Islam

05

Doa :
SAYYIDUL ISTIGHFAR
(Penghulu Segala Istighfar)

07

Berita &
Aktiviti IPTG

08

Tazkirah :
Bagaimana Menyambut
Ramadhan?

10

Fokus :
MAJLIS AMANAT KHAS
TAHUN BAHARU

12

Tazkirah :
SAHUR & IFTAR

14

Berita &
Aktiviti IPTG

16

Kata -Kata
TOK GURU

18

Sana-Sini
IPTG

19

SIDANG REDAKSI



Penaung

YAB Ustaz Dato' Bentara Kanan
Dato' Haji Ahmad Bin Yakob

Penasihat

YBhg Dato' Dr. Johari Bin Mat

Penyelaras

Mohd Hafizi Bin Mahadi

Ketua Pengarang

Nurliyana Binti Ahmed

Sidang Pengarang

Norshafinaz Binti Nazaruddin
Siti Nur Amirah Binti Fauzi

Editor

Ahmad Fathi Bin Yusoff

Jurufoto

Muhammad Khairul Naim Bin Jazli

Reka Bentuk Grafik & Percetakan

Azkie Printing & Advertising
PT361, Aras Bawah,
Lembah Sireh (Belakang Tesco),
15050 Kota Bharu, Kelantan

Alamat Surat Menyurat:

Institut Pemikiran Tok Guru
Dato' Bentara Setia
Tingkat Bawah, Blok Dewan Undangan
Negeri Kelantan, Kota Darulnaim,
15503 Kota Bharu, Kelantan.



3 TERAS DASAR MEMBANGUN BERSAMA ISLAM

Bahagian 1

'Ubudiyah, Mas'uliyah dan Itqan (UMI) merupakan tunjang kepada Dasar Membangun Bersama Islam (MBI). UMI juga dijadikan nilai TERAS Kod Etika Anggota Perkhidmatan Awam Negeri Kelantan bermula pada tahun 2008.

'Ubudiyah merujuk kepada kedudukan manusia sebagai hamba Allah yang diciptakan sematamata untuk beribadat (mengabdikan diri) kepada-Nya. Manakala ibadah adalah semua aktiviti setiap Muslim yang diperintahkan oleh Allah SWT dan RasulNya sama ada melakukan suruhanNya atau menjauhi laranganNya dan amalan tersebut disukai dan diredhai oleh Allah dan Rasul.

Menurut al-Qaradhawi, ibadah dalam Islam merupakan semua amalan kehidupan yang disukai dan diredhai Allah SWT sama ada perkataan, amalan dan iktikad, seperti solat, zakat, puasa, haji, berkata benar, menunaikan amanah, berbakti kepada ibubapa, menepati janji, amar makruf nahi mungkar, berjihad menentang golongan kuffar, berbuat baik kepada jiran tetangga, mengasihi anak yatim dan orang miskin, berbuat baik kepada manusia dan binatang, berdoa, berzikir, membaca al-Quran dan sebagainya. (Al-Qaradhawi, 1995)

Ubudiyah terbahagi kepada dua bahagian iaitu 'ubudiyah khasah (ibadah khusus) dan 'ubudiyah ammah (ibadah umum). Contoh ibadah khusus seperti mengucap dua kalimah syahadah, solat, puasa, zakat, haji dan sebagainya. Manakala, ibadah umum ialah bekerja, beribadah dan semua perkara selain daripada ibadah khusus.



Ibadah juga terbahagi kepada empat bahagian iaitu:

1. Ibadah hati/iktikad: khusyuk dalam beribadah, sentiasa bersangka baik dengan Allah.
2. Ibadah lisan: berzikir, bercakap benar.
3. Ibadah harta: bersedekah, zakat dan apa-apa amalan untuk membantu sesiapa yang berkaitan dengan wang.
4. Ibadah perbuatan/fizikal: menunaikan solat, haji dan lain-lain.




Disamping itu, aktiviti harian seseorang itu akan menjadi ibadah dengan syarat-syarat berikut:

1. Niat kerana Allah SWT.
2. Amalan mengikut syariat Islam.
3. Melaksanakan tugas dengan sebaik-baiknya.
4. Sentiasa memelihara syariat Allah SWT dan tidak melakukan kezaliman, khianat, menipu dan sebagainya.
5. Tidak mengabaikan ibadah-ibadah khusus yang diwajibkan.

Antara nilai tatakelakuan 'ubudiyah ialah:

1. Ikhlas dan niat suci.
2. Bekerja adalah pengabdian kepada Allah SWT.
3. Pengawasan Allah SWT.
4. Balasan dan ganjaran di dunia dan akhirat.
5. Mencapai keredhaan Allah SWT.
6. Bersyukur.



Oleh itu, kita mestilah ikhlas dalam melakukan semua perkara untuk mendapat keredhaanNya serta sentiasa berhati mulia dalam melaksanakan tugas tanpa mengharapkan balasan manusia dan menghakis sebarang unsur kepentingan diri. ■

Bersambung..

SAYYIDUL ISTIGHFAR

(Penghulu Segala Istighfar)

Oleh : Dato' Dr. Johari Bin Mat

اللَّهُمَّ أَنْتَ رَبِّي لَا إِلَهَ إِلَّا أَنْتَ، خَلَقْتَنِي وَأَنَا عَبْدُكَ، وَأَنَا عَلَى
عَهْدِكَ وَوَعْدِكَ مَا اسْتَطَعْتُ، أَعُوذُ بِكَ مِنْ شَرِّ مَا صَنَعْتُ، أَبُوءُ لَكَ
بِنِعْمَتِكَ عَلَيَّ، وَأَبُوءُ بِذَنْبِي فَاغْفِرْ لِي فَإِنَّهُ لَا يَغْفِرُ الذُّنُوبَ إِلَّا أَنْتَ

Maksudnya: "Ya Allah, Engkau adalah Rabbku, tidak ada Ilah yang berhak disembah dengan benar melainkan Engkau. Engkau yang menciptakan aku dan aku adalah hambaMu. Aku di atas perjanjianMu dan janjiMu sesuai dengan kemampuanku. Aku berlindung kepadaMu dari keburukan perbuatanku, aku mengakui nikmatMu kepadaku dan aku mengakui dosaku kepadaMu, maka ampunilah aku. Ini kerana, tiada tempat yang mengampuni dosa melainkan Engkau". (HR Bukhari)

Manusia tidak pernah terlepas daripada salah silap dan dosa di dalam kehidupan, maka kita perlulah banyak beristighfar kepada Allah SWT iaitu memohon ampun kepadaNya di atas segala dosa dan kesilapan yang telah kita lakukan. Diceritakan di dalam sebuah hadis bahawa Nabi Muhammad SAW yang bersifat maksum juga beristighfar lebih daripada 70 kali sehari sebagaimana yang diriwayatkan di dalam hadis Sahih Imam al-Bukhari:

Maksudnya: "Demi Allah, sesungguhnya aku beristighfar kepada Allah dan memohon ampun kepadaNya setiap hari lebih daripada 70 kali". (HR Bukhari)

Nabi Muhammad SAW bersabda mengenai kelebihan bagi sesiapa yang beramal dengan Sayyidul Istighfar yang bermaksud:

"Barangsiapa yang mengucapkannya (Sayyidul Istighfar) di waktu siang hari serta yakin dengannya, lalu dia meninggal pada hari itu sebelum waktu petang, maka dia termasuk dalam kalangan penghuni syurga. Dan barangsiapa yang mengucapkannya di waktu malam dengan penuh keyakinan lalu dia meninggal sebelum masuk waktu pagi, maka dia termasuk dalam kalangan penghuni syurga". (HR Bukhari)

Kesimpulannya, kita perlu memohon keampunan daripada Allah SWT sebanyak-banyaknya sebagai bekalan bertemu Allah SWT kelak. Semoga Allah SWT menjadikan kita dalam kalangan hambaNya yang sentiasa melazimi istighfar serta menggolongkan kita dalam kalangan penghuni syurga. Ameen. ■

22 Jamadil Awal 1442H
06 JANUARI 2021

CERAMAH PENGURUSAN IHTIRAFI

Institut Pemikiran Tok Guru Bentara Setia (IPTG) telah mengadakan satu program Taklimat Pengurusan Ihtirafi kepada pegawai-pegawai Majlis Daerah Bachok Bandar Pelancongan Islam dan Pejabat Tanah dan Jajahan Bachok pada 22 Jamadil Awal 1442H / 6 Januari 2021 (Rabu), bertempat di Pejabat Tanah dan Jajahan Bachok. Taklimat ini disertai seramai 30 orang peserta dan disampaikan oleh Ybhg. Dato' Dr. Johari Bin Mat (Pengarah IPTG). ■



02 Rejab 1442H
14 FEBRUARI 2021

DIALOG STRATEGIK PEMBINAAN TAMADUN KELANTAN

Institut Pemikiran Tok Guru Dato' Bentara Setia (IPTG) dengan kerjasama Pusat Kajian Strategik (PKS) dan Urus Setia Belia, Sukan dan NGO (U-BeS) telah berjaya menganjurkan satu program atas talian secara langsung bertajuk Dialog Strategik Pembinaan Tamadun Kelantan - Anak Muda Bermaruah menerusi Aplikasi Zoom. Program ini telah berjaya diadakan pada 02 Rejab 1442H / 14 Februari 2021 bertempat di Mini Studio IPTG. Seramai 200 orang peserta telah menyertai program ini merangkumi Jabatan Amal, Ameerah dan Urusan Generasi Melanial. Pengisian program tersebut melibatkan Pengarah IPTG selaku Pengucap Utama program manakala Pengarah PKS adalah selaku Moderator dan Pengarah U-BeS adalah sebagai Pembentang Utama. ■





IPTG PODCAST

IPTG mengambil inisiatif dengan menganjurkan satu program baru yang di jenamakan “IPTG Podcast” bertujuan untuk menyebarkan hari-hari dan peristiwa-peristiwa penting dalam bulan Islam kepada masyarakat. Program ini berkonsepkan bicara santai menampilkan seorang moderator dan seorang panel. Program ini bersiaran menerusi laman sosial facebook “Institut Pemikiran Tok Guru”. Antara slot yang telah disiarkan ialah:

ISRAK MIKRAJ SIRI 1: SIAPA ALLAH?

9 REJAB 1442H / 21 FEBRUARI 2021 (AHAD), 10.00 PAGI

PENAMPILAN ISTIMEWA:

YBHG DATO' DR. JOHARI MAT
& YBRS USTAZ MUHAMAD MUSTAFA

ISRAK MIKRAJ SIRI 2: SIAPA NABI?

11 REJAB 1442H / 23 FEBRUARI 2021 (SELASA), 10.00 PAGI

PENAMPILAN ISTIMEWA:

YBHG DATO' DR. JOHARI MAT
& YBRS USTAZ MUHAMAD MUSTAFA

ISRAK MIKRAJ SIRI 3: DAKWAH SULIT NABI?

16 REJAB 1442H / 28 FEBRUARI 2021 (AHAD), 10.30 PAGI

PENAMPILAN ISTIMEWA:

YBHG DATO' DR. JOHARI MAT
& YBRS USTAZ MUHAMAD MUSTAFA

ISRAK MIKRAJ SIRI 4: DAKWAH SECARA TERANGAN NABI?

20 REJAB 1442H / 04 MAC 2021 (KHAMIS), 10.30 PAGI

PENAMPILAN ISTIMEWA:

YBHG DATO' DR. JOHARI MAT
& YBRS USTAZ MUHAMAD MUSTAFA

ISRAK MIKRAJ SIRI 5: NABI MULA DI ISRAK?

23 REJAB 1442H / 07 MAC 2021 (AHAD), 10.00 PAGI

PENAMPILAN ISTIMEWA:

YBHG DATO' DR. JOHARI MAT
& YBRS USTAZ MUHAMAD MUSTAFA

ISRAK MIKRAJ SIRI 6: MIKRAJ?

27 REJAB 1442H / 11 MAC 2021 (AHAD), 10.30 PAGI

PENAMPILAN ISTIMEWA:

YBHG DATO' DR. JOHARI MAT
& YBHG DATO' DR. ABDUL BASIT ABD RAHMAN

ISRAK MIKRAJ SIRI 7: PASCA ISRAK MIKRAJ?

30 REJAB 1442H / 14 MAC 2021 (AHAD), 10.30 PAGI

PENAMPILAN ISTIMEWA:

YBHG DATO' DR. JOHARI MAT
& YBRS USTAZ MUHAMAD MUSTAFA

ISRAK MIKRAJ SIRI 7: SOLAT

14 SYAABAN 1442H / 28 MAC 2021 (AHAD), 10.30 PAGI

PENAMPILAN ISTIMEWA:

YBHG DATO' DR. JOHARI MAT
& YBRS USTAZ MUHAMAD MUSTAFA

BAGAIMANA MENYAMBUT RAMADHAN?





BAGAIMANA MENYAMBUUT RAMADHAN?



AMANAT TAHUN BAHARU 2021

Pada 21 Jamadil Awal 1442H bersamaan 05 Januari 2021 telah berlangsungnya Amanat Tahun Baharu 2021 yang disampaikan oleh Menteri Besar Kelantan, YAB Dato' Bentara Kanan Ustaz Dato' Hj Ahmad Bin Yakob. Majlis ini telah diadakan di Dewan Jamuan Utama, Kompleks Kota Darulnaim dan dihadiri oleh penjawat awam negeri Kelantan.

Beliau merakamkan penghargaan kepada seluruh pasukan barisan hadapan dan anggota perkhidmatan awam negeri Kelantan atas pengorbanan yang tinggi dalam memastikan keselamatan dan kesejahteraan semua pihak. Tidak lupa juga kepada wakil rakyat, pihak berkuasa tempatan, para penghulu serta pimpinan dipelbagai peringkat setiap DUN dan petugas media yang bekerja tanpa mengira masa dan waktu bagi memastikan bantuan kepada rakyat dapat disampaikan sebaik mungkin adalah sangat dihargai.

Amanat Tahun Baharu kali ini bertemakan **“Kebersamaan Demi Rakyat”**. Ini kerana penglibatan jentera kerajaan sebagai tulang belakang dalam mendukung dasar dan program Kerajaan Negeri selama ini sehingga Kerajaan Negeri terus berjaya mengekalkan prestasi yang cemerlang khususnya prestasi kewangan negeri.

YAB Menteri Besar menyatakan empat teras utama dalam menjalinkan kebersamaan yang utuh dalam gerak kerja untuk memastikan segala agenda pentadbiran dan pembangunan negeri dapat dicapai demi kesejahteraan rakyat ialah:

Pertama : Pelaksanaan Pelan Strategik Menangani Gejala Sosial.

Kedua : Pengembangan Ekonomi Rakyat & Pembangunan Infrastruktur Negeri.

Ketiga : Pengukuhan Sumber Asli

Keempat : Pemerkasaan Sistem Penyampaian Kerajaan



Malahan, beliau juga berharap agar dapat diteruskan tiga agenda utama pada penggal ini iaitu pembangunan insutri hiliran bagi menambah peluang pekerjaan kepada rakyat, agenda kebersihan, keceriaan dan kehijauan negeri dan program pembangunan insan dalam usaha menangani gejala sosial.

Beliau juga mengucapkan tahniah kepada Bahagian Pengurusan Sumber Manusia dengan sokongan jabatan lain termasuklah JAHEAIK, IPTG, YTK, dan ILPK dalam memastikan pelaksanaan dan penghayatan UMI melalui bengkel, seminar dan ceramah kepada semua kakitangan awam.

Di samping itu, beliau juga menyarankan kepada penjawat awam khususnya serta masyarakat untuk menunaikan solat berjemaah dengan membaca sepotong hadis:

Maksudnya: "Sesiapa yang melaksanakan solat subuh maka dia berada dalam jaminan Allah".

Akhir sekali, beliau juga mengucapkan tahniah dan syabas kepada seluruh penjawat awam negeri Kelantan di atas kejayaan cemerlang dalam pentadbiran dan pengurusan dalam menyokong dan melaksanakan dasar dan program Kerajaan dan juga kepada semua yang terus menjayakan dasar Membangun Bersama Islam dan Merakyatkannya sepanjang 3 dekad ini. ■



Sahur & Iftar



Puasa ialah ibadah yang difardukan pada bulan Ramadhan dan sunat dilaksanakan pada bulan-bulan yang lain kecuali pada hari-hari yang haram. Amalan berpuasa bermula sejak zaman Nabi Adam AS sehingga kini. Nabi Adam berpuasa pada 10 Muharam sebagai rasa bersyukur bertemu dengan isterinya, Hawa di Arafah. Manakala Nabi Nuh AS berpuasa selama tiga hari setiap bulan sepanjang tahun, Nabi Daud AS pula berpuasa secara selang seli iaitu sehari berpuasa dan sehari tidak. Sebelum puasa pada bulan Ramadhan difardukan, Nabi Muhammad SAW sudah terbiasa dengan amalan puasa. Baginda berpuasa di hari Asyura' (10 Muharam) dan puasa tiga hari setiap bulan. Nabi Muhammad SAW bersabda yang bermaksud:

"Puasa yang amat dikasihi oleh Allah adalah puasa Nabi Daud yang berpuasa sehari dan berbuka sehari". (HR Tarmizi dan Nasa'ie)

Bersahur merupakan satu ibadah sunat yang sangat digalakkan bagi mereka yang ingin melakukan ibadah puasa sama ada puasa wajib ataupun sunat. Waktu bagi seseorang untuk bersahur ialah sebelum fajar (subuh). Salah satu tujuan bersahur adalah untuk mendapat keberkatanNya. Daripada Anas Bin Malik RA, beliau berkata Nabi SAW telah bersabda:

Maksudnya: "Bersahurlah kamu semua, sesungguhnya pada sahur itu terdapat keberkatan." (HR Bukhari)

Rasulullah SAW menyuruh untuk bersahur walaupun dengan seteguk air sebagaimana hadis Nabi SAW yang bermaksud:

"Semua sahur adalah berkat. Sebab itu, jangan kalian tinggalkan meskipun salah seorang daripada kalian hanya minum seteguk air. Sesungguhnya Allah dan kalangan malaikat-Nya memberikan selawat untuk orang-orang yang bersahur." (HR Ahmad)

Amalan bersahur dianjurkan oleh Rasulullah SAW kepada umat Islam yang berpuasa. Hal ini kerana membezakan antara puasa umat Islam dengan puasa ahli kitab (Yahudi dan Nasrani) sebagaimana sabda Nabi SAW:


Mafhumnya: "Perbezaan antara bagi puasa kita (umat Islam) dan ahli kitab adalah dengan makan sahur". (HR Muslim)

Selain itu, bersahur adalah sunnah dan digalakkan bagi orang yang berpuasa. Firman Allah SWT dalam surah al-Baqarah, ayat 187 yang bermaksud:

"Dan makanlah dan minumlah sehingga nyata kepada kamu benang putih (cahaya siang) daripada benang hitam (kegelapan malam) iaitu waktu fajar."



“Dan makanlah dan minumlah sehingga nyata kepada kamu benang putih (cahaya siang) daripada benang hitam (kegelapan malam) iaitu waktu fajar.”



Antara keberkatan bersahur ialah:

- Mengikut sunnah Baginda Rasulullah SAW.
- Mendapat ganjaran dan pahala.
- Penyebab kepada berzikir, berdoa, beristighfar pada waktu sahur (waktu mustajab doa).
- Penyebab memberi sedekah.
- Melatih seseorang untuk mendirikan solat sunat tahajud .
- Menahan diri dari melakukan perbuatan yang tidak baik kesan daripada menahan lapar.

Malahan, sahur yang afdal ialah melewati sahur dan menghampiri waktu fajar sebagaimana hadis yang diriwayatkan oleh Zaid bin Thabit RA, beliau berkata:

Maksudnya: “Kami telah bersahur bersama Rasulullah SAW kemudian kami bangun untuk mendirikan solat, aku telah bertanya, berapa jarak antara keduanya? Maka Baginda SAW bersabda: 50 ayat.” (HR Muslim, al-Nasa’ie dan Ibn Majah)

Maksud 50 ayat yang dinyatakan Rasulullah SAW di dalam hadis ini adalah kadar tempoh bacaan ayat al-Quran tersebut lebih kurang persamaannya dengan kadar waktu antara imsak iaitu waktu berhati-hati dengan waktu subuh.

Selain ibadah sahur, iftar atau berbuka puasa wajib dilaksanakan setelah berkumandangnya azan Maghrib yang menandakan tamatnya waktu berpuasa pada hari tersebut. Orang yang berpuasa disunatkan menyegerakan berbuka sebaik sahaja tiba waktunya. Berbuka puasa tidak semestinya dengan juadah yang banyak, cukuplah sekadar berbuka dengan buah tamar atau makanan manis serta air sebagaimana amalan Rasulullah SAW. Setelah itu, digalakkan untuk mengerjakan solat fardhu maghrib secara berjemaah di masjid. Terdapat hadis Nabi SAW yang menganjurkan untuk segera berbuka yang bermaksud:

“Umatku sentiasa berada dalam kebaikan selama mereka segera berbuka, segeralah berbuka kerana orang Yahudi melewatkannya”. (HR Ibnu Majah)

Kesimpulannya, umat Islam hendaklah merebut peluang mendapat ganjaran yang besar dengan melewati sahur dan menyegerakan berbuka. Disamping itu, memperbanyakkan amalan sunat yang lain seperti bersedekah, menyediakan juadah berbuka, iktikaf dan sebagainya. Semoga puasa dan ibadah-ibadah lain diterima oleh Allah SWT serta dapat membentuk diri menjadi sebaik-baik hamba. ■

AHAD



KULIAH HADIS
Kitab : Mastika Hadis

YBrs. Ustaz Abu Mursie
Eksekutif Pemasaran dan Komunikasi Korporat,
Perbadanan Menteri Besar Kelantan (PMBK)

KULIAH SECARA LANGSUNG Atas Talian (Pagi@IPTG)

Penyiaran slot Pagi@IPTG bagi tahun 2021 diteruskan bersiaran seperti biasa dengan memaparkan kuliah-kuliah agama merangkumi Kuliah Hadis, Tadabbur Al-Quran, Fiqh Kekeluargaan dan Kemasyarakatan. Kuliah ini bersiaran secara langsung di laman Facebook IPTG selama tiga hari seminggu. ■

ISNIN



Pen Merah Pen Biru
Isteri Idaman

YBrs. Ustaz Mohd Suhaimi bin Mohamed
Ketua Penolong Pengarah
(Pentadbiran Undang-Undang Keluarga Islam)
Jabatan Hal Ehwal Agama Islam Kelantan (JAHEAIK)

RABU



KULIAH FAKH
Perbincangan dan perbahasan mengenai Politik Islam

Ustaz Zulkarnain bin Hassan
Pengarah Yayasan Amanah Tok Kenali (YTK)

SELASA



Mari Tadabbur
Jom tadabbur dan memahami Surah-Surah Pilihan

YBhg. Dato' Dr. Johari bin Mat
Pengarah Institut Pemikiran Tok Guru Dato' Bentara Setia (IPTG)

KHAMIS



Oghe Kito
Sifat Peniaga Yang jujur

YBrs. Ustaz Saibon bin Ismail
Pegawai Agama Jajahan Kuala Krai



19 Rejab 1442H
3 MAC 2021

BENGGEL PEMURNIAN BAHAN CERAMAH MBI-UMI

Jawatankuasa Pelaksanaan Kursus Membangun Bersama Islam Dalam Profesionalisme Penjawat Awam yang terdiri daripada Institut Pemikiran Tok Guru Bentara Setia (IPTG), Institut Latihan Perguruan Kelantan (ILPK) dan Yayasan Amanah Tok Kenali (YTK) dan JAHEAIK telah mengadakan Bengkel Pemurnian Bahan Ceramah Membangun Bersama Islam - 'Ubudiyah, Mas'uliyah dan Itqan (MBI-UMI) pada 19 Rejab 1442H / 3 Mac 2021 di Dewan Seminar 1 MABNA, Kota Darulnaim. ■



ISLAM JALAN KERAMAT

Jalan kebenaran yang membawa kita ke syurga hanyalah sebagaimana jalan yang diajarkan Allah SWT melalui al-Quran dan yang dianjurkan Nabi Muhammad SAW melalui as-Sunnah, Bukan jalan nasionalis, bukan jalan demokrasi, komunis atau lain-lain.

MUTIARA KATA
Nik Abdul Aziz Nik Mat



REDHA ALLAH

Dalam Islam kita diajar untuk menjadikan redha Allah SWT sebagai segala-galanya kerana kita akan mati dan menuju ke alam kubur, pada ketika itu kita akan meninggalkan segala yang kita punya termasuklah harta, anak -anak, juga isteri...

MUTIARA KATA
Nik Abdul Aziz Nik Mat

25 Jamadil Akhir 1442H
7 FEBRUARI 2021



IPTG telah menerima sumbangan kaset Tok Guru daripada Cikgu Yasmin B. Hashim @ Yassin (Guru SMKA Melor)

29 Jamadil Awal 1442H
13 JANUARI 2021



Wakil daripada Kolej Islam Antarabangsa Sultan Ismail Petra (KIAS) telah berkunjung ke IPTG.

11 Rejab 1442H
23 FEBRUARI 2021



Wakil daripada Jabatan Kesihatan Negeri Kelantan (JKNK) telah mengadakan lawatan ke IPTG.

24 Rejab 1442H
8 MAC 2021



IPTG telah menerima kunjungan daripada Majlis Persefahaman Pertubuhan OKU Kelantan (MPPOK).



BANTU KAMI PELIHARA KHAZANAH

ILMU TOK GURU



Rayuan sumbangan

► **KASET-KASET KULIAH, CD, GAMBAR,
LAIN-LAIN YANG BERKAITAN DENGAN**
Almarhum Tuan Guru Dato' Bentara Setia
Dato' Haji Nik Abdul Aziz Nik Mat

Untuk Menyumbang
Sila Hubungi



09-747 0901



011-5639 9543

LIYANA